



31.1.2012

PROTOKOLL

Møte i **PROGRAMUTVALET FOR LÆRARUTDANNING** torsdag 31. januar 2012, kl. 10.15 - 12.00, undervisningsrom 217, Sydneplassen 12/13.

Til stades:	Leiar	Anne-Brit Fenner
	IF	Tor Jan Ropeid
	AHKR	Christian Sæle
	Studentrepresentant , IL	Randi Ødegård
	Frå administrasjonen	Silje Anette Lindgren (sekretær) Hilde Hjertager Lund (observatør)
Ikkje møtt:	LLE	Heming Gujord
	Visedekan for undervisning	Jan Oldervoll (observatør)

I	Godkjenning av innkalling og saksliste
	Éi orienteringssak blei lagt til: Orienteringssak 9: Invitasjon til og program for forskarsymposium i UH-nett Vest 19. og 20. mars 2012
II	Godkjenning av protokoll frå møtet 15.12.11
	Protokollen blei godkjent utan merknader.
III	Orienteringssaker
	1. Møte i Programstyret 13. januar 2012 Hilde Hjertager Lund orienterte. S01/12 Programsensorrappporter i lærerutdanningen Årsrapportane frå programsensorane som er knytte til lærerutdanninga ved UiB, både integrert lektor- og adjunktutdanning og PPU, ligg no føre. Rapportane er sendt ut til alle tilsette i lærerutdanninga ved UiB, og innhaldet skal slik vere kjent. På møtet i Programstyret var det særleg fire område som blei peika på i forhold til vidare oppfølging: nettsider, integrasjon mellom fagdidaktikk, pedagogikk og disiplin fag, samarbeid om skuleerfaring og kollisjonar mellom praksis og forelesingar. Nettsidene er under arbeid, og jf. S11/27 på møte i PUHF 10. oktober 2011 og S28/11 på møte i Programstyret 24. oktober 2011, er også kollisjonar mellom praksis og forelesingar noko som blir følgt opp med ulike tiltak. Tiltak i forhold til betring av integrasjon og samarbeid blei teke opp igjen under S02/12 og S03/12. S02/12 Tverrfakultært samarbeid i lærerutdanningen Programstyret ønskjer våren 2012 å arrangere eit heildagsseminar, der pedagogar og fagdidaktikarar som skal ha skuleerfaring i 5. semester, får høve til å utarbeide eit felles opplegg for skuleerfaringa. S03/12 Felles faglunsj Programstyret tilrår at det blir arrangert ein felles faglunsj for tilsette i lærerutdanninga 2 gonger per semester, som tiltak for å betre samarbeid og

integrasjon. Ansvar for arrangementet vil gå på omgang mellom fakulteta.

2. Møte i Studiestyret 3. januar 2012

Anne-Brit Fenner orienterte.

DS1/12 Plassering av Examen philosophicum i studieløpet – muntlig orientering og diskusjon

S1/12 Forslag til høringssvar – Forskriften til *Universitets- og høyskoleloven*

S2/12 Programsensorrapport i den integrerte lektorutdanningen

Studiestyret tok årsrapporten frå programsensor for MAHF-LÆFR og MAHF-LÆNO til orientering, men rår til at rapporten blir endra i tråd med merknadene frå PUHF (S11/38, 15. desember 2011).

3. Årleg lærarutdanningskonferanse i regi av Utdanningsforbundet 23. januar 2012 – Når utdanning møter yrke

Anne-Brit Fenner orienterte.

Leiar av PUHF, Anne-Brit Fenner, deltok på konferansen. Tema for konferansen var praksisopplæringa i lærarutdanningane, og blant anna blei PiL- prosjektet (Praksis som integrerande element i lærarutdanninga) presentert: www.pilprosjektet.com.

4. Årsrapport frå koordinerande programsensor for adjunkt- og lektorutdanninga ved UiB

Anne-Brit Fenner orienterte.

Det humanistiske fakultet har fått sendt over årsrapporten frå koordinerande programsensor for adjunkt- og lektorutdanninga ved UiB. PUHF tek rapporten til orientering, og synest det er positivt at koordinerande programsensor i neste periode vil sjå nærare på relasjonen mellom UiB og praksisskulane, og dessutan på omorganiseringa. I tillegg til dette kunne PUHF tenkje seg at programsensor snakkar med tilsette innanfor disiplinfga.

5. Undervisning på 200- og 300-nivå i engelsk

Anne-Brit Fenner og Silje Anette Lindgren orienterte.

Innhaldet og undervisninga i lingvistikkemna (L-emna) på 200-nivå i engelsk er no redusert for studentane på MAHF-LÆFR. Eit par av emna på 300-nivå i engelsk, som inngår i studieplanen for MAHF-LÆFR, har våren 2012 ei eksamensform som gjer det krevjande for studentar på MAHF-LÆFR å følgje emna.

6. Lærarutdanningskonferansen 2012 ved UiB

Hilde Hjertager Lund orienterte.

Den årlege lærarutdanningskonferansen ved UiB vil i 2012 bli arrangert 15. og 16. mars på Solstrand. Invitasjonen er sendt ut, og påmeldingsfristen er 15. februar 2012. Det vil òg vere mogleg for tilsette i disiplinfga å melde seg på, og ein oppmodar leiinga ved fakulteta om å delta.

7. Konferanse om praksisretta FoU i lærarutdanninga 23. - 24. april 2012 i Trondheim

Anne-Brit Fenner og Silje Anette Lindgren orienterte.

Lærarutdanningsmiljøa i Trøndelag arrangerer 23. - 24. april 2012 den tiande konferansen om FoU i praksis. Tittel på konferansen er "Dannelse, mangfold og framtid", og målgruppa er tilsette og stipendiatar i lærarutdanninga.

Påmeldingsfristen er 26. mars. Det er òg høve til å melde seg på med bidrag.

	<p>Påmeldingsfristen er då 15. februar. Konferanseavgifta er den same. For meir informasjon, sjå http://www.dmmh.no.</p> <p>8. Nasjonal konferanse om rammeplanarbeid for lærarutdanning trinn 8-13 i Oslo 14. februar 2012</p> <p>Anne-Brit Fenner og Hilde Hjertager Lund orienterte.</p> <p>14. februar 2012 vil det bli arrangert ein nasjonal konferanse i Oslo, som gjeld rammeplanarbeidet for lærarutdanning trinn 8-13. Dei tre utvala vil der presentere utkast til rammeplanar. Utkasta vil bli lagt ut på nettsidene til Universitetet i Tromsø éi veke i forkant av konferansen. Kvar utdanningsinstitusjon har i utgangspunktet høve til å stille med maksimum fire deltakarar på konferansen. Visedekan Jan Oldervoll har meldt seg på som representant frå HF. Hilde Hjertager Lund har sendt førespurnad om UiB kan stille med fleire deltakarar, og vil bli kontakta i etterkant av påmeldingsfristen dersom det er ledige plassar.</p> <p>9. Invitasjon til og program for forskarsymposium i UH-nett Vest 19. og 20. mars 2012</p> <p>Silje Anette Lindgren orienterte.</p> <p>UH-nett Vest inviterer representantar frå forskingsnettverka og forskingsprosjekta som har fått tildelt midlar frå UH-nett Vest til forskingssymposium 19. og 20. mars 2012. Forskingsnettverka melder på deltakarane innan 1. mars 2012.</p>
IV	Saker
<u>S12/1</u>	<p>Overslag over driftsutgifter for PUHF i 2012</p> <p>Vedtak: Overslaget over driftsutgiftene til PUHF i 2012 blir redigert i tråd med merknadene som kom fram i møtet, og sendast til fakultetet for godkjenning.</p>
<u>S12/2</u>	<p>Høyring om opptak til PPU éin gong per år</p> <p>I møtet blei saka diskutert og ei prøvevotering blei gjort. Denne var samrøystes for opptak éin gong i året. Alle fagdidaktikarane på HF blei spurde, og berre éin var imot.</p> <p>Vedtak: PUHF går inn for ei prøveordning med eitt opptak i året (haust) for PPU-studiet. Prøveordninga skal evaluerast etter to år. Dersom søkjartalet til PPU aukar på eit seinare tidspunkt, skal saka vurderast på nytt. Talet på kvart kull skal ikkje på noko fag overstige 30 studentar.</p>
<u>S12/3</u>	<p>Semesterrapport for PUHF hausten 2011</p> <p>Vedtak: PUHF godkjenner semesterrapporten for hausten 2011, og rapporten sendast over til Studiestyret.</p>

<u>S12/4</u>	Møteplan for våren 2012 Vedtak: Møta i PUHF våren 2012 blir haldne på følgjande tidspunkt: Torsdag 8. mars kl. 14.15 - 16.00 Tysdag 17. april kl. 14.15 - 16.00 Måndag 14. mai kl. 10.15 - 12.00 Tysdag 12. juni kl. 10.15 - 12.00			
V	EVENTUELT Det var ingen saker under eventuelt.			
		Anne-Brit Fenner		
				Silje Anette Lindgren